



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKWENGEZA (FAL)

IPHEPHA LOKUTHOMA (P1)

SINYIKHABA 2025

IMITLOMELO: 80

ISIKHATHI: Ama-iri ama-2

Iphepha lemibuzweli linamakhasi ali-13.

YELELA

1. Iphepheli LINEENGABA EZINTATHU:

ISIGABA A: Ukufunda nokuzwisisa	(30)
ISIGABA B: Ukurhunyeza	(10)
ISIGABA C: Izakhi nemithetjhwana yokusetjenziswa kwelimi	(40)
2. Phendula YOKE imibuzo.
3. Thoma isigaba ESINYE NESINYE ekhasini ELITJHA.
4. Thalela ngemva kokuphendula imibuzo YESIGABA NGASINYE.
5. Tlola iinomboro zeempendulo zakho zifane patsi nangendlela ezinonjorwe ngayo ephepheni lemibuzo.
6. Tjhiya umuda OWODWA ngemva kwaleyo naleyo pendulo.
7. Yelela bona upeleda amagama ngendlela efaneleko bewutlole nemitjho ezwakalako.
8. Isikhathi esiphakanyisweko sokutlola ISIGABA NGASINYE:

ISIGABA A: Pheze imizuzu ema-50	
ISIGABA B: Pheze imizuzu ema-20	
ISIGABA C: Pheze imizuzu ema-50	
9. Tlola kuhle ngesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula UMBUZO 1.1 kanye NOMBUZO 1.2.

1.1 Fundisisa itheksthi engenzasi uyizwisise bese uphendula imibuzo elandelako.

ITHEKSTHI A**ISIZO ELIFUNYANWA BAFUNDI ABANEENTJHIJULO ZOKUFUNDA**

- | | | |
|---|---|--------------|
| 1 | <p>UmThetho weenKolo zeSewula Afrika, we-1996 i-<i>South African Schools Act</i> (SASA) uthi woke umntwana ohlangana neminyaka eli-7 ukuya eminyakeni eli-15 ukatelelekile bona abe sesikolweni. Umthetho lo uthi kumsebenzi wombelethi nofana umuntu ohlala nomntwana bona utlolisa umntwana esikolweni bekaqinisekise nokobana uyaya esikolwenapho qobe lilanga. Lokhu kufakazelwa mThethosiSekelo weSewula Afrika othi omunye nomunye umntwana unelungelo lokufunda. Lokhu kwenza bona uRhulumende akghone ukutjheja woke umntwana ngaphandle kokuqala ubujamo akibo neentjhijilo anazo zokufunda.</p> | 5 |
| 2 | <p>Ngehlangothini lezamaphilo abentwana abafani begodu neentjhijilo zabo zokufunda zihlukile ngombana abanye bakhubazekile. UmNyango wezeFundo esiSekelo wathatha isiqu nto sokobana ukutjheje koke lokhu. Igadango lokuthoma kwaba kukobana kwakhiwe iinkolo ezamukela abafundi abakhubazekileko. Iinkolwezi zifundisa abentwana abangaboniko emehlweni, abangezako eendlebeni, abangakghoniko ukukhuluma nabakhubazeke ngokwengqondo. Abafundaba bakhelwe neendawo zokuhlala eenkolwenezi.</p> | 10

15 |
| 3 | <p>Igadango lesibili lomnyango lo kwaba kuphasisa umthetho obonelela abafundi abanganakho ukukhubazeka kodwana ngakelinye ihlangothi baneentjhijilo zokufunda. Lokhu kwaletha umthetho wama-<i>concessions and accommodations</i>. Umthetho lo uvumela bona abafundi abaneentjhijilo zokufunda basizwe lokha nabatlola iinhlahlubana neenhlahlubo zokuphela komnyaka. Umfundi ngamunye usizwa ngendlela ehlukileko kunomunye ukuya ngesitjhijilo anaso.</p> | 20 |
| 4 | <p>Ihloso yomthetho lo kusiza abafundi abaneentjhijilo zokufunda nabangakghoniko ukutlola iinhlahlubo zabo ngaphasi kobujamo obujayelekileko. Isikhulu emNyangweni wezeFundo esiSekelo i-<i>Chief Education Specialist for Examination Policy</i>, umma uKelebogile Sechoaro uthi, 'Umthetho lo awukahlosi ukubeka abafundaba ebujameni obungcono kunabanye kodwana uhlose ukubabeka ezingeni lalabo abanganazo iintjhijilo zokufunda bonyana babe namathuba alinganako nabahlolwako.'</p> | 25

30 |

5	lintjhijilo lezi ziya ngokutjhiyatjhiyana. Kunabafundi abangakghoni ukutlola kuhle kubonakale, nokwenza bona bangakghoni ukuphumelela ngombana umtlo lwabo awubonakali. Umfundi onjengaloyo isikolo 35 simnikela umtjhiningqondo bona atlole ngawo. Kunabafundi abanomraro wokutlola buthaka khulu nokwenza bona bangakghoni ukuqeda ukutlola ngesikhathi ebaikelwe sona. Ebujameni obunjalo umNyango wezeFundo uthi umfundi onjengaloyo akangezelelelwe isikhathi lokha nakatlolako. Abanye abafundi baba nomraro wokobana 40 ababoni kuhle amaledere amancani nokwenza bona babhalelwe kubona kuhle iphepha lemibuzo. Umfundi onjengaloyo amaledere asephepheni lakhe lemibuzo atlolwa abe makhudlwana. Omunye umfundi unomraro wokobana uyayazi ipendulo kodwana akakghoni ukuyitlola kuhle ngombana uphambanisa amaledere. Umfundi loyo uphiwa umuntu 45 ozomtlolela bese kube nevidiyo erekhoda koke okwenzekako.
6	Kunabafundi abathikamezeka lula nabahlangana nabanye abafundi. Omunye usuke anobulwele obubizwa nge-<i>Attention Deficit Hyperactivity Disorder (ADHD)</i>. Loyo-ke ubekwa endaweni yakhe yedwa atlolele kiyo. Ithuba leli akukghoneki bona lisetjenziswe butjhulweni. Isikolo sifaka 50 isibawo esiYingini sezeFundo ngasinye esiphethe iinkolo bese kuze isazi sokusebenza kwengqondo sezefundo (<i>educational psychologist</i>) sizokuhlola umfundi ngamunye ukuya ngesitjhijilo esimlethela ubudisi efundwenakhe. Ngemva kokobana isazi lesi siqinisekisile bona ngambala umfundi unaso isitjhijilweso unikelwa incwadi eyimvumo 55 eveza bona atjhejwe njani ngesikhathi sokutlola iinhlahlubana neenhlahlubo. Kunabafundi abaneentjhijilo zokufunda kodwana ngamakghono namathalente baphuma phambili. Iinkolo ziyabatjheja nabo kodwana abanye kuba babelethi babo abajama endleleni yokobana basizwe. Umfundi okhamba ngesitulo samavili naye akatlhagi 60 nakancani nakasesikolweni nanyana isikolo sakhe singaba nomakhiwo okhweleneko (<i>double storey</i>).
7	UNgqongqotjhe wangaphambilini womNyango wezeFundo esiSekelo umma u-Angie Motshekga ngomnyaka wee-2022 wathi izinga lokuphumelela kwabentwana abaneentjhijilo zokufunda lithuthukile 65 soloko umNyango lo wahloma ihlelo lokobana basizwe. Waragela phambili wakhuthaza iinkolo bona azifake iimbawo zokobana abafundi abanjengalaba basizwe nabo bangasaleli emuva. Kuvele nokobana iinkolo ezifakela abentwana abanjengalaba iimbawo ziphumelela kuhle eenhlahlubeni zokuphela komnyaka njengombana woke umfundi 70 unikelwa ithuba nesizo elimfaneleko lokha nakatlolako. Isenzwesi siveza uRhulumende weSewula Afrika anetjhejo kibo boke abafundi benarha.

[Ithethwe ku-inthanethi yatjhugululelwa eLimini lesiNdebele]

- 1.1.1 Tlola bona woke umntwana ukateleleka ukuya esikolweni nakahlangana namiphi iminyaka ngokuya ngomthetho ovezwe esigabeni soku-1 setheksthi engehla le. (1)
- 1.1.2 Tlola umthetho onikela woke umntwana ilungelo lokufunda ovezwe esigabeni soku-1 setheksthi engehla. (1)

- 1.1.3 Tlola okufanako hlangana nomThetho wezeenKolo i-South African Schools Act (SASA) nomThethosiSekelo weSewula Afrika ehlangothini lefundo yomntwana okuvezwe esigabeni soku-1 setheksthi engehla. (1)
- 1.1.4 Ngokuya kwesigaba sesi-2 setheksthi engehla le ngiliphi igadango lokuthoma elathathwa mNyangano wezeFundo esiSekelo ukutjheja abafundi abakhubazekileko. (1)
- 1.1.5 Tlola ibizo nesikhundla sesikhulu semNyangweni wezeFundo esiSekelo esivezwe esigabeni sesi-4. (2)
- 1.1.6 Ngokurhunyenzweko hlathulula iintjhihilo zokufunda abafundi beenkolweni ezijayelekileko abaqalana nazo ngokuya kwesigaba sesi-5. Ipendulwakho ayibe maphuzu AMABILI. (2)
- 1.1.7 Hlathulula iindlela abafundi abaneentjhihilo ezilandelako abasizwa ngayo ngokuya kwesigaba sesi-5.
- (a) Umfundi ongakghoni ukubona kuhle amaledere amancani. (1)
- (b) Umfundi ongakghoni ukutlola kubonakale. (1)
- 1.1.8 Khetha ipendulo enembako kezingenzasi.
- Ihloso yokobana umfundi ongakghoni ukufunda nokutlola nasele atlola kube nevidiyo erekhoda koke okwenzekako kukobana ...
- A umfundi nomsizakhe bakghone ukuzibukela.
- B uhlokokulu akghone ukubona koke ebekwenzeka.
- C abatshwayako bakghone ukubona nokuzwa koke ebekukhulunywa bebakumadanise nalokho okutlolwe phasi.
- D umfundi akghone ukuzilalela ngemva kokunikela umsizi ipendulo. (2)
- 1.1.9 Ucabanga bona ngikuphi okwenza abafundi abaneentjhihilo zokufunda bangakghoni ukulifikelela ihlelweni nanyana likhona eenkolweni zabo? Ipendulwakho ayibe liphuzu ELILODWA. (2)
- 1.1.10 Hlathulula okwenziwa ziinkolo ukuqinisekisa bona umthangalasisekelo wazo (*infrastructure*) ukhambelana nobujamo babafundi abakhamba ngeentulo zamavili ukuze bangabi nemiraro nabasesikolweni. Ipendulwakho ayibe liphuzu ELILODWA. (2)
- 1.1.11 Ucabanga bona ngikuphi okumbi okwenziwa babelethi ukukhandela ipumelelo yabentababo abanamakghono namathalente? Ipendulwakho ayibe liphuzu ELILODWA. (2)
- 1.1.12 Phendula isitatimende esingenzasi ngoLIQINISO nofana AKUSILO IQINISO bese usekela isiqu nto osithetheko ngephuzu ELILODWA.
- Abafundi abakhubazeke ngokwengqondo benza iimfundo ezifanako nezabafundi abafunda eenkolweni ezijayelekileko. (2)

1.1.13 Tshwaya ngelihlo elibukhali ubudisi abafundi abakhubazekileko/ abaneentjhijilo zokufunda abaqalana nabo nabafunda eenkolweni ezijayalekileko mayelana nobudlelwano babo nabanye abafundi. Ipendulwakho ayibe liphuzu ELILODWA. (2)

1.1.14 Nange unguNgqongqotjhe wezeFundo esiSekelo ngikuphi ongakwenza ukuqinisekisa bona umphakathi uthola ilwazi ngamahlelo aqalelele iintjhijilo zabafundi ezivezwe etheksthini engehla? Ipendulwakho ayibe liphuzu ELILODWA. (2)

1.2 Qalisisa isithombe esingenzasi bese uphendula imibuzo elandelako.

ITHEKSTHI B



[Sithethwe ku-www.images.com]

1.2.1 Tlola bona umuntu ohlezi esitulweni samavili osesithombeni esingehla kubayini ahlezi kiso? (1)

1.2.2 Hlathulula ubudlelwano obungaba khona ebantwini abasesithombeni esingehla. (1)

1.2.3 Ucabanga bona kubayini abantu abasesithombeni esingehla babambene ngezandla begodu bamomotheka? Ipendulwakho ayibe liphuzu ELILODWA. (1)

1.2.4 Ngimuphi umthelela ongaba khona ebentwaneni abavezwe esithombeni esingehla ngokuhlanganyela nomuntu ohlezi esitulweni esinamavili? Ipendulwakho ayibe liphuzu ELILODWA. (1)

1.2.5 Ngokubona kwakho ngimuphi umlayezo esiwethulelwa ngilokhu okwenziwa babantu abasesithombeni esingehla? Ipendulwakho ayibe liphuzu ELILODWA. (2)

IMITLOMELO YESIGABA A: 30

ISIGABA B: UKURHUNYEZA**UMBUZO 2**

Fundisisa itheksthi engenzasi uyizwisise bese uyirhunyeza ngokwemiyalo onikelwe yona.

IMIYALO:

1. Ngamagama angadluli kwama-60, rhunyeza uveze amaphuzu **wezinto ekufanele uzitjheje nawuhlela umnyanya oyifihlo (surprise party)**.
2. Rhunyeza ngamaphuzu ali-7.
3. Ungabuyeleli utlole isihloko setheksthi.
4. Tlola inani lamagama owasebenzisileko ekupheleni kwesirhunyezo sakho.

ITHEKSTHI C**IZINTO EKUFANELE UZITJHEJE NAWUHLELA UMNANYA OYIFIHLO (SURPRISE PARTY)**

'Surprise!' La magama avamise ukurhuwelelwa nakungena umuntu owenzelwe umnyanya oyifihlo. Unomnyanya nofana usomnyanya loyo vane enziwe esabuya nentambo ekuthezeni ngokobana amenywe emnyanyeni othileko, nakafikako athole bona umnikazi womnyanya lowo nguye.

Minengi iminyanya egidingwako kodwana oyifihlo utlhoga bona nitjhejisise koke enikwenzako. Isimemo asiveze bona umnyanya lo uyifihlo. Amagama angakabekeki kuhle angenza bona nithole ukatsu sele aphumile ngemgodleni. Isimemo singathoma ngokuthi, 'Shhhhhhh! Yifihlo' bese silandela ngokuveza yoke imininingwana. Qinisekisini bona umuntu enimenzela umnyanya nimazi ngokupheleleko. Ukungazani kuhle kunganitjhejisa nezinto zingasakhamba ngefanelo. Lokho kukhandela bona ningenzi izinto angazithandiko bese buphalake sebuvtjelwe. Woke umuntu unabantu azwana nabo njengabangani neenhlobo. Memani abantu abamamathe nelimu naye. Lokho kwenzelwa bona kungacini sekufika abantu angazwani nabo. Nangabe amalungiselelo athlola umbala nesitayela esithileko akube ngesikhambisana nomnikazi womnyanya. Imibala efanako yelanga yenza kube nesithunzi begodu neenthombe zibe zihle.

Kesinye isikhathi ukutinazela nokungahlaliseki kungenza bona umnikazi womnyanya asole bona kukhona afihlelwa khona. Ukwenzela bona ningabanjwa, tholani into ezomphazamisa amalanga lawo. Ningamthatha niyomvakatjhisa eenhlobeni isikhatjhana ukwenzela bona nikwazi ukwenza amalungiselelo nizigedlile. Iminyanya eminengi ivamise ukwenzelwa emakhaya nekuyinto eyenza kube budisi ukufihlela umuntu loyo owenzelwa umnyanya. Tholani indawo engeqadi ayithandako nekulula ukufika kiyo ukwenzela bona ikukhu ingasisoli isiphila. Lokho kuzomenza athabe khulu bekahlale awukhumbula umnyanya lowo. Nasele niyitholile indawo, fumanani iindawana enizozifihla kizo bona anganiboni nakangenako. Kufanele nimwalazele angakatjheji, athi uyaqala athole nikhona noke ngitjho nabantu abekacabanga bona basemavakatjhwani. Kuyathokozisa ukwenza umnyanya oyifihlo.

[Ithethwe ku-inthanethi yatjhugululelwa eLimini lesiNdebele]


ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3: ISIKHANGISO**

Qalisisa isikhangiso esingenzasi bese uphendula imibuzo elandelako.

ITHEKSTHI D

UNESIFISO SOKWEHLISA UMZIMBA NGENDLELA ENGANABUNGOZI NEPHEPHILEKO? UMLAMBO ULINGWA NGEDONDOLO.

Iza KwaMgijimi *fitness centre* uzozibandakanya nathi emahlelweni esinawo.

ISITHOMBE SOKU-1**ISITHOMBE SESI-2**

Imibandela:

- Samukela ababhadelela umnyaka woke kwaphela.
- Sibhadela ngekarada kwaphela.
- Asibamukeli abangasebenziko.

[Sithethwe ku-www.images.com]

- 3.1 Tlola amagama angakwenza bona ugcine sele uzibandakanya kilokhu okukhangiswe ngehla. (1)
- 3.2 Ngokurhunyezweko hlathulula unobangela owenza bona umtlami wesikhangiswesi:
- 3.2.1 Atlole imibandela ngamagama amancani. (1)
- 3.2.2 Atlole amagama athi; '*fitness centre*' butjhigama. (1)
- 3.3 Buyelela utlole umutjho ongenzasi ube sesikhathini esizako.
- Samukela ababhadelela umnyaka woke kwaphela. (1)
- 3.4 Nawuqalisisa isithombe soku-1 ingabe abantwaba bakulungele ukuba kilendawo ekhangisweko? Sekela ipendlwakho ngamaphuzu AMABILI. (2)

3.5 Khetha ipendulo enembako kezingenzasi.

Amagama athi, 'Unesifiso sokwehlisa umzimba ngendlela enganabungozi nephephileko?' amumethe ilimi:

- A Lokudosa.
- B Lokwenzisa.
- C Lokudlelezela.
- D A no-C

(1)

3.6 Tlola isifenko esitholakala emutjhwani ongenzasi.

Kubonakala kuphephile ngakelinye ihlangothi kuyingozi ukugijima khulu emtjhinini wokugijima.

(1)

3.7 Tshwaya ngokungakaphumeleli komtami wesikhangiso esingehla ukusebenzisa amaqhinga wokukhangisa. Ipendulwakho ayibe maphuzu AMABILI.

(2)
[10]

UMBUZO 4: IKHATHUNI

Qalisisa ikhathuni engenzasi bese uphendula imibuzo elandelako.

ITHEKSTHI E

[Ithethwe ku-www.images.com]

4.1 Tlola ubudlelwano obukhona phakathi kwabomma abasekhathunini engehla le. (2)

4.2 Ngokurhunyezweko hlathulula ummongondaba wekhathuni engehla le. (2)

4.3 Ucabanga bona umma ojamileko efreyimini yoku-1 ukibuphi ubujamo bemizwa? Ipendulwakho ayibe maphuzu AMABILI. (2)

4.4 Khetha ipendulo enembako kezingenzasi.

Isakhi esithalelweko emutjhweni ongenzasi simumethe umqondo ...

Imiphumela ibe nje titjherenyana.

A wokudlelezela.

B wokulonga.

C wokudelela.

D wokubandlulula. (1)

4.5 Thatha isaga esithalelweko emutjhweni ongenzasi bese usisebenzise emutjhweni ozakhela wona kuvele bona uyayazi ihlathululo yaso.

Kwamambala ikovu iphuma ethangeni. (1)

4.6 Tshwaya ngokuphumelela komtami wekhathuni engehla ukusebenzisa amabhamuza anembako, uqalise khulukhulu kelingehla kwakamma:

4.6.1 Ojamileko efreyimini yoku-1. (1)

4.6.2 Ohlezi phasi efreyimini yesi-2. (1)

[10]

UMBUZO 5: IPHROZI

5.1 Fundisisa itheksthi engenzasi uyizwisise bese uphendula imibuzo elandelako.

ITHEKSTHI F

Umtloli weenkondlo uMahamba uthi umbhino kukudla kwendlebe okudlulela ehliziyweni. Awukho umtjhoga olapha abantu abaphethwe malwele ahlukahlukeneke njengombhino olalelwa eenrhatjhini khulukhulu ngoSondo ngemva kwamadina kuKwekwezi FM. Umbhino unamandla wokuphungula ukudana neenhlungu, ukwehlisa ubulwele beengazi eziphezulu, ukunduzela umuntu akwazi ukulala besana nokutjhugulula imizwa. Abavumi nabavumako kubonakala indlela abazizwa ngayo ngaphakathi efakazelwa lilimi labo lomzimba elikhambisana namagama abatleme ngawo ingoma leyo. Olaleleko athanda nofana angathandi uzithola sele angene ngeenyathelweni zomvumi loyo azibone sele akelinye iphasi. Angazithola sele alila nofana ahleka. Umbhino ukwazi ukuletha ibumbano ebantwini ekwaziwako bona abathelelani amanzi. Uthola kuditjhwe ndawonye kudenjwa ngengoma ethileko. Ikghono lokuzitlamela livela loke lokha umbhino nawuqarhwe ngegatara.

[Ingeyokuzitlamela]

5.1.1 Buyelela utlole umutjho ongenzasi lo uveze ukulandula.

Umtloli weenkondlo uMahamba uthi umbhino ukukudla kwendlebe. (1)

5.1.2 Buyelela utlole umutjho ongenzasi bese ukhulisa igama elithalelweko kiwo.

Awukho umtjhoga olapha abantu abaphethwe malwele. (1)

5.1.3 Buyelela utlole umutjho ongenzasi lo kodwana utlole isirhunyezo segama elithalelweko kiwo.

Awukho umtjhoga olapha abantu abaphethwe malwele ahlukahlukeneke njengombhino olalelwa eenrhatjhini khulukhulu ngoSondo. (1)

5.1.4 Tlola bona sikhekhe bani sekulumo esitholakala egameni elithalelweko emutjhweni ongenzasi.

Umbhino unamandla wokuphungula ukudana neenhlungu. (1)

5.1.5 Buyelela utlole umutjho ongenzasi bese ujamiselela igama elithalelweko ngelinomqondo ophikisana nalo.

Abavumi nabavumako kubonakala indlela abazizwa ngayo ngaphakathi. (1)

- 5.1.6 Tlola umhlobo wesandiso esitholakala egameni elithalelweko elisemutjhweni ongenzasi.
- Umbhino umnandi khulukhulu ngoSondo ngemva kwamadina. (1)
- 5.1.7 Khetha ipendulo enembako kezingenzasi.
- Ikulumo ethi, 'Abathelelani amanzi' inehlathululo efanako nale ethi, ...
- A bamamathe nelimu.
B balidwendwe nobukhazi.
C bayinja nomqasa.
D bayirhara nomncamo. (1)
- 5.1.8 Buyelela utlole umutjho ongenzasi kodwana uwutjhugulule uveze ubunengi.
- Olaleleko athanda nofana angathandi uzithola sele angene ngeenyathelweni zomvumi loyo. (1)
- 5.1.9 Khupha isithomo nesiqu ezitholakala ebizweni elithalelweko emutjhweni ongenzasi.
- Abavumi nabavumako kubonakala indlela abazizwa ngayo. (2)
- 5.1.10 Tjhugulula ikulumo enqophileko emutjhweni ongenzasi ibe yikulumo embiko/engakanqophi.
- Abavumi bathi, 'Thina nasitlamba umbhino sisunduzwa mimizwa yethu.' (2)
- 5.1.11 Jamiselela igama elithalelweko emutjhweni ongenzasi ngesitjho esifaneleko.
- Olaleleko angazithola sele ahleka. (2)

5.2 Qalisisa isithombe esingenzasi bese uphendula imibuzo elandelako.

ITHEKSTHI G

Ithabo lizele liyaphuphuma kubaba, umma nabentwana ngonobangela wezipho abaqeda ukuzithenga eentabathabeni zeentolo.



[Sithethwe ku-www.images.com]

5.2.1 Jamiselela igama elithalelweko ngesabizwana sokukhomba kude.

Abentwana bathengelwe amanyathelo la.

(1)

5.2.2 Buyelela utlole umutjho ongenzasi bese ujamiselela ibinzana elithalelweko ngegama elilodwa.

Ithabo lizele liyaphuphuma kubaba, umma nabentwaneni.

(1)

5.2.3 Buyelela utlole umutjho ongenzasi kodwana uthome ngegama elithalelweko.

Abentwana bambethe izambatho.

(1)

5.2.4 Buyelela utlole umutjho ongenzasi bese ulungisa isivumelwano sehloko esithalelweko kiwo.

Izambathwezi sibiza ama-R500.

(1)

5.2.5 Thatha igama elithalelweko ulisebenzise emutjhweni ozakhele wona kuvele enye ihlathululo ehlukileko kile engehla.

Abantwaba baphethe izipho ezinengi komhlolo.

(2)

[20]

IMITLOMELO YESIGABA C:

40

INANI LOKE:

80